



Mariane Paviasen
Inuit Ataqtigiit sinnerlugit Inatsisartunut ilaasortaq

§ 37 naapertorlugu apeqquut nr. 202/2025-p akineqarnera

Asasara Mariane Paviasen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

19-12-2025
Suliap nr.: 2025 - 25440
Allakkiap nr.: 26024736

Postboks 1160
Qqarasuaat: 34 50 00
Fax: 34 55 05
3900 Nuuk
Email: pn@naaq.gl
www.naalakkersuisut.gl

1. Naalakkersuisut sooq qulakkeerumanngilaat 2025-mut partiit aningaasanut inatsisissamut isumaqatigiissutaat?

Akissut:

2025-mut aningaasanut inatsimmi 2025-mullu aningaasanut inatsit pillugu isumaqatigiissummi immikkoortut peqqinnissaqarfimmut, tamatumani peqqinnissaqarfimmi suliniutinut nutaanut atugassatut aningaasaliissutit atorineqarnissaannut tamatumani tunngavilersuutinut tunngasut, matumani akissummi taamaallaat pineqarput.

2025-mut aningaasanut inatsit pillugu isumaqatigiissummi suliniutit ilarpaalui Peqqinnissaqarfimmut tunngapput, 2025-mullu aningaasanut inatsimmi kontomit pingaarnemit 20.11.70-imit 5.000.000 kr.-t ilaatigut peqqinnissamut politikkikkut isumaqatigiissut naapertorlugu Peqqinnissaqarfimmi suliniutit nutaatut toqqakkanut aningaasaleeqataanissamut aamma immikkoortinneqarput ¹.

Tamanna Peqqinnissaqarfimmi ataatsimoortumik pingaarnersiukkat tunngavigalugit nalilerneqarpoq, 2025-mut sillimmatitut aningaasaliissutit nunap immikkoortuini napparsimmavinni sineriammilu peqqissaavinni annerni ultralydit, tassa nipit maligaasat atorlugit misissuissutissanik misissueqqissaarutissanillu taavalu Aasianni Qaqortumilu qitiusumik napparsimmavinni Tasiilamilu peqqissaavimmi qinnguartaatinut errorsissutissanik pisiortornermut aningaasaleeqataanissamut atorineqarunik naapertuunnerpaassasoq. Taakkuninnga pisiortorneq assersuutigalugu kræftimik nappaatit suussusersiaarneqarluarnerusalernissaannut aamma qulakkeerutaaqataasussaassaaq, tamannalu tassa Naalakkersuisut peqqissutsimullu tunngatillugu isumaqatigiissusiortut pingaarnertut anguniagaannut ilaalluni. Taamaammat sillimmatitut aningaasaliissutit atugassanngortinneqarnissaat sulissutigineqalereerpoq, tamatumunngalu isummernissamut tunngavissiortoqareerluni. Tamatumunnga sillimmatitut aningaasaliissutit siunertanut 2025-mut aningaasanut inatsimmi

¹ S. 222-223, 20.11.70 Suliniutinut nutaanut sillimmatitut aningaasaliissutit (Ingerlatsinerneq aningaasaliissutit), 2025-mut aningaasanut inatsit.

isumaqatigiisummilu tassunga tunngasumi nassuiarneqartunut naapertuuttut nalilerneqarput.

Peqqinnissaqarfik ukiuni arlalinni aningaasassaalatsivoq, ingammik 2025-mi. Tamanna ilaatigut 2025-mi sippuinnermut matussutissatut atugassanik ilassutitut aningaasaliissutitik qinnuteqartariaqalernermik malitseqarpoq. Peqqinnissaqarfiup sulii aningaasassaalatsinera suliniutinik nutaanik kissaatigineqartut malillugit pilersitsisinnaaneranik killiliisuvoq, tamannalu tassa sinaakkusiussat pioreersut aallaavigalugit ataatsimoortumik pingaarnersiuisariaqarnerup pisariaqarneranik ersersitsivoq. Taamaammat kontomit pingaarnermi 20.11.70-mit immikkoortit suliniutit 2025-mut aningaasanut inatsimmi isumaqatigiisummilu tassunga tunngasumi nassuiarneqartut tamarmik aningaasalersorsinnaanissaannut naammangillat.

Tamatumunnga atatillugu Peqqinnissaqarfiup 2026-mut missingersuutissaatut siunnersuutip inaarutaasumik sulii aalajangiiffigineqannginnera maluginiaqquneqarpoq. Naalagaaffiup nunattalu Peqqinnissaqarfik pillugu tunngaviummik isumaqatigiissutaanni aningaasaliissutit sumut atorineqassanersut maannamut inaarutaasumik sulii aalajangiiffigineqanngilaq. Tamanna aalajangiiffigineqareeriarpat, Peqqinnissaqarfiup missingersuutai 2026-p aallartinnerani politikkikkut oqallisigineqassangatinneqartut pillugit saqqummiussassaliortoqassaaq. Peqqinnissaqarfimmut 2026-mi siunissamilu aningaasaliissutigineqartussat amerlassusissaat paasinarseriarpata, Inatsisartuni partiit tamarmik peqqissutsimut tunngatillugu annertusisamik isumaqatigiissusiornissaq pillugu oqaloqatigineqaaqqissapput. Peqqinnissaqarfimmi pitsanngorsaanissamut siumut isigaluni periusissiorinissaq tamatumani siunertaavoq. Partiit pitsanngorsaanermik suliniutaasinnaasunik isumaqatigiinniutigineqarsinnaasussanik siunnersuuteqarsinnaassapput.

Peqqinnissaqarfimmi sulisut napparsimasullu angallannermut periarfissaasa sapinngisamik pitsaanerpaanissaannik qulakkeerinissaq pisariaqartinneqartoq Naalakkersuisut arajutsisimanngikkaat, § 37 naapertorlugu apeqquummut nr. 40/2025-mut akisummi allassimavoq. Tamatumunnga tunngatillugu ilisimatitsissutigissavarput, Peqqinnissaqarfik ambulancenik nutaanik 22-nik ukiut pingasut tulluuttut ingerlanneranni tikiunneqartussanik pisiortornissamut 2025-mi isumaqatigiissuteqaqateqarpoq. Ambulancet siulliit illoqarfinnut ukununnga; tassa Aasiannut, Nuummumut, Maniitsumut, Nanortalimmut, Qasigiannuanut, Upernavimmut, Qaqortumut Qeqertarsuarmullu 2026-mi ukiup qiteqqunnerani tikiunneqassangatinneqarput. Sinneri nunatsinni illoqarfinnut allanut 2027-mi 2028-milu tikiunneqassapput.

ATV-nik Qassiarsummi Igalikumilu atugassanik pisiortoratarsinnaanissamik suliniut § 37 naapertorlugu apeqquteqarnermut tunngavilersuummi taaneqartoq isumaqatigiisummi inaarutaasutut oqaasertaliussami taaneqanngilaq. Peqqinnissaqarfiup nunaqarfinni immikkoortoqarfiini peqqissaaviummik sulisut taakkuninnga ingerlatsisinnaanermut tunngaviatigut allagaqartanngitsut aamma erseqqissarneqarpoq, aammalumi § 37-lu naapertorlugu apeqquut nr.40/2025-mut akisummi nassuiarneqarluni. 2025-mut sillimmatitut aningaasaliissutit – qulaani nassuiarneqareersut - nunap immikkoortuini napparsimmavinni sineriammilu peqqissaavinni annerni ultralydit, tassa nipit maligaasat atorlugit misissuissutissanik misissueqqissaarutissanillu taavalu nunap immikkoortuini qitiusumik napparsimmaviit ilaanni peqqissaaviummik qinnguartaatinut errorsissutissanik pisiortornissaq peqqissutsimullu tunngatillugu isumaqatigiissutissami anguniakkanut ilaammat, taakkununnga aningaasaleeqataanissamik

qinnuteqartoqareersimalerpoq. Tassa ukioq manna ATV-nik pisiortornissaq 2025-mut sillimmatitut aningaasaliissutineersunit aningaasassaqartinneqanngilaq.

Naalakkersuisulli nunatta nunaqarfiini peqqissaaviit assigiissumik kiffartuussinissaasa qularnaarnissaa pingaartimmassuk, najukkani toqqakkani atugassaqqissunik soorlu ATV-tut ittunik angallassissutisiortornissaq pisariaqarnersoq oqallisigeqqinnissaanut piareersimapput.

Iluatsillugu ilisimatitsissutigissavarput, peqqissaaviit pinartoqartillugu ikiuinasuartussanik upalungaarsimasuutitaqarmata. Upalungaarsimasuutitat taakku assersuutigalugu annaassiniartartunik, tamatumani soorlu politiinik allanillu annaassiniarnermik aamma suliaqartartunik suleqatiserinnikkajupput. Innuttaasumik navialisoqartillugu navialisoq annaassiniartartunit, ajornanngippat peqqissaavimmi sulisumik ingiallorteqartunit, assersuutigalugu umiatsiamik qulimiguulimilluunniit aaneqartarpoq.

2. Naalakkersuisut qanoq ilillutik, siusinnerusukkut aningaasanut inatsisissatut isumaqatigiissutinik atorsinnaannginneraasinnaappat?

Akissut:

Apeqput 1-imut akissutigineqartumut innersuunneqarpoq.

3. Naalakkersuisut isumaqalersimappat partiinit aningaasanut inatsisissatut isumaqatigiissutaasimasuniit namminneq naalagaanerulersimallutik?

Akissut:

Apeqput 1-imut akissutigineqartumut innersuunneqarpoq.

Inuulluaqqusillunga

Med venlig hilsen



Anna Wangenheim

Peqqissutsimut inunnullu Innarluutilinnut Naalakkersuisoq
Naalakkersuisoq for Sundhed og Personer med Handicap